

## Saho Carta Que Dicjin Pablo Para Ngain Timoteo

### *Pablo chjé joajna Timoteo*

<sup>1</sup> Janha Pablo na, ná representanté Jesucristo. Dios co Jesucristo coetonna janha mé. Dios tti chjá na vida naroaxin para cainxin tiempo co Jesucristo tti ján na techonhe na hasta jehe tsí iná.

<sup>2</sup> Janha rricjin na carta jihi para ixin jaha, Timoteo, jaha tti cjoí inchin xanhna ixin jaha ndoa vitticaon ngain Jesucristo are janha jointtacoanha jaha. Dios Ndodá na co Jesucristo, tti chonda cain joachaxin para ixin ján na, sinttanchaon jaha, tsiaconoaha, co rrochjá tti chjoin que tsonohe ansean.

### *Tti ndacho Pablo de ixin chojni que tjago tti ndoaha*

<sup>3</sup> Inchin ojointtatsanha ñao are janha sacjoi para nonttehe Macedonia, janha rrinttatsanha ñao jai que jaha dittoha ngain ciudad de Efeso para que tsetonhe canxion chojni que te nttiha que itsjagoeha na icha chojni tti jeha ndoa,

<sup>4</sup> ni sincheha na caso cuento que xonhi xé, co ni tti jitaxin de ixin nigoelito xančhjen. Cain cosa jihi joxon tti xonhi xé que ttequincaho chó na co ttjenguijnaha na na para sinttoho na tti coetoan na Dios. Chonda que sotticaon na Dios para sinttoho na tti coetoan na.

<sup>5</sup> Janha rritetonha jihi para que chojni nttiha conixin ján na sonao chó na naná na conixin ansean na roa que xonhi jianha chonda na, co

sinttoha na cosa jianha que nchenihi ansean na, co sotticaon na tti ndoa.

<sup>6</sup> Canxion chojni vaguitticaon na canio cosa jihi pero vachjenda na co ndavitján na.

<sup>7</sup> Chojni mé rinao sintte na ximaestroe ley que vayé Moisés, pero ni ttinxinha na tti jehe na nichja na co ni tti jehe na tjagoe na chojni conixin anto confianza.

<sup>8</sup> Noa na ixin ley que vayé Moisés jian, pero chonda que sonttogonda na inchin jiquininxin.

<sup>9</sup> Chonda na que tsonoa na que ni ná ley dehe para ixin tti chojni que nchehe jian. Ley dehe ley para jeho chojni que ncheha tti ndacho ley co nchehe tsje cosa jianha. Ley dehe para ixin chojni que ningaconhe Dios, co ditticaonha ngain Dios, para ixin chojni que dicaoha respeto ngain Dios, para ixin chojni que nadoenxon ndodé o janné, co para ixin cain chojni que nadoenxon chó.

<sup>10</sup> Co ley cai para ixin chojni que ncheyehe chó para dinttejoacaho chó que jeha xixihi o nchiçihi, para ixin chojni que dinttejoacaho chó xí co xí, para ixin chojni que tté chojni, para ixin chojni que nichja cosa ndoaha co chojni que nchejurá de ixin cosa que jeha ndoa. Co ley cai para ixin cain tti chojni que ningaconhe tti joajné Jesús que nttocoenhe na chojni.

<sup>11</sup> Co cain jihi que nttocoenhe na chojni jihi jí de acuerdo conixin tti joajna mé que jiquininxin tsosayehe. Co Dios, tti anto jian, tti coetonna janha para ixin nichja joajna mé.

*Pablo joanjo gracias ngain Dios*

<sup>12</sup> Janha chjaha gracias Jesucristo, tti chonda cain joachaxin para ixin ján na, ixin jehe tti chjana fuerza para nichja cain cosa jihi ixin jehe tti ndačo ixin janha jiquininxin na xa jihi, co jehe tti joinchegonda na janha para ngain xé.

<sup>13</sup> Jehe joinchehe cain jihi nganji na janha masqui feo vanichja de ixin jehe, co varroá chojni que vaguitticaon jehe co vanttaha feo ngain na. Pero Dios coiaconoana janha ixin janha xa vaguitticaonha Jesús co venonaha quehe vanttaha.

<sup>14</sup> Mexinxin jehe Jesucristo anto joinchenciaon na janha co cjoenguijna na janha para ditticanho co para rinaho chojni inchin jehe ttjenguijna cain chojni que te na conixin jehe.

<sup>15</sup> Palabra janhi anto ndoa co cain chojni chonda na que sitticaon na: Jesucristo joí ngataha nontte para chjé cain chojni que nchehe cosa jianha iná vida naroaxin. Co de cain chojni mé, janha tti saho na.

<sup>16</sup> Pero de cain tti jianha que janha jointtaha, Dios coiaconoana janha para que de ixin janha Jesucristo cjoago cainxin paciencia que jehe chonda. Co jañá joigarihi janha ná ejemplo para icha chojni que sitticaon Jesús co rrochonda na iná vida naroaxin que xonhi tiempo tsjexin.

<sup>17</sup> Mexinxin janha cain tiempo sinttasayá co rrondachjan ixin Dios anto jian. Jehe Rey para cainxin tiempo co xonhi tiempo senhe co ni čoha dicen ni. Dios nacoaxinxon co chonxin cainxin cosa. Amén.

<sup>18</sup> Timoteo, jaha que inchin xanhna; janha rritetonha jihi para que nchao sincheluchá jian para ixin Jesucristo inchin ndattjo chojni are nichja na

joajna que joixin de ngain Dios para ixin jaha. Mexinxin sinchehe jamé. Co jian ditticaon Jesucristo conixin ansean roa.

<sup>19</sup> Canxion na joincheha na caso tti nchenihi ansén na para nchehe na jianha co jehe nimé joinchetján na tti jehe na vitticaon na.

<sup>20</sup> Jañá conhe ngain Himeneo co ngain Alejandro, tti ni janha coančjanda ngain Satanás para que tsanguí na rronichjaha na feo de ixin Dios.

## 2

### *QueXén sinchecoanxinhi ni Dios*

<sup>1</sup> Saho rritetonha jaha que chojni que ditticaon Jesucristo chonda que sinchetsenhe na ñao Dios, sinchecoanxinhi na Dios, sanchia na Dios co sanjo na gracias ngain Dios para cainxin chojni.

<sup>2</sup> Jañá nchetsenhe ñao Dios para ixin cain chojni que chonda joachaxin para ttetonha ngain gobierno co chojni que ttetonha ngain cain rajna para que ján na nchao sontte na čjoin co xonhi tseto na co sontte na inchin Dios rinao co para icha chojni rrochonda na respeto nganji na.

<sup>3</sup> Cain jihi jian co tti ncheXoxinhi Dios tti chjá na iná vida naraa.

<sup>4</sup> Jehe rinao que cainxin chojni sayé iná vida naraa co satsoan na tti ndoa.

<sup>5</sup> Jí nacoaxinxon Dios, co jí nacoa tti nchao tsintte chojni para ngain Dios, co tti xí mé, jehe Jesucristo.

<sup>6</sup> Jesucristo joanjo cuerpoe para ndavenhe para que cjoenga hna tti jianha que nttoho na cainxin na. Co jihi joiconhe ngain tiempo que Dios ondačo icha antes que rrojiconhe.

<sup>7</sup> Mexinxin Dios coinchiehe na janha para ná representanté Jesucristo co para tjagoa tti chojni que jeha judío de ixin tti ndoa que dotticaon na. Janha ditticanho Cristo, mexinxin janha nichja tti ndoa co nichjaha tti ndoaha.

<sup>8</sup> Mexinxin janha rinaho que ngain ngoixin nontte xí sinchecoanxinhi xa Dios. Co are rrotsin rá xa para sinchecoanxinhi xa Dios, pero joxon rá tti chojni que xonhi jianha joinchehe para que Dios sicon rá naroa. Co tsoñaoha xa ni tsetocaoha chó xa de ixin chijni.

<sup>9</sup> Co janha rinaho que nchí sinttengá ncha lonttoe ncha inchin jiquinixin conixin jian joarrixaon co rroñanotaon cuerpoe ncha tti jiquinixinha sicon chojni. Are rrojinji ncha co tsette lazoe ncha pero inchin jiquinixin co xonhi cosa anto rentte tsentaha já ncha, ni cosa anto rentte que settea ncha, ni lontto que anto rentte para sengá ncha.

<sup>10</sup> Nchí sehe ncha chjoin, pero de ixin tti jian que sinchehe ncha inchin nchí que daçhjejeyexin ngain cosa jianha co dintte ncha jian ngain Dios.

<sup>11</sup> Nchí chondaha ncha que rronichja ncha are tsinhi ncha ngaxinhi nihngo para jamé tsangui ncha inchin chojni que ditticaon tti ditonhe.

<sup>12</sup> Janha danjoha joachaxin para que nchí sinchecoenhe ncha chojni are icha chojni sintte na ngaxinhi nihngo, co ni tsetoanha ncha ngain xí; chonda ncha que rrotencoia ncha.

<sup>13</sup> Ixin Dios saho joinchechjian Adán, cottimeja Eva.

<sup>14</sup> Co jeha Adán tti joincheyehe Satanás, sino que Eva tti joincheyehe Satanás. Co ixin Satanás

nchao joincheyehe Eva, mexinxin después Eva joinchehe cosa jianha.

<sup>15</sup> Pero masqui Dios ndaĉho que anto tangui para ná nĉhí are ncheconcjihi nĉha chjan, pero űonhi tsonhe nĉha si jehe nĉha ditticaon nĉha Dios, co si rinao nĉha cain chojni, co si sehe nĉha jian inchin rinao Dios conixin jian joarrixaoen nĉha.

### 3

*Queĉén sinchehe chojni que ttetonha ngain nihngo*

<sup>1</sup> Palabra jiji atto ndoa: si ĉhonja chojni rinao rrochonda joachaxin ngain nihngo, atto jian ná űa que jehe rinao sinchehe.

<sup>2</sup> Mexinxin, tti rinao sehe tti ttetonha ngain nihngo chonda que sehe jian para que ni ná chojni ĉhoĉa sinchesattehe. ĉhoĉa secao iná nĉhí si jehe jicao nĉhiĉhihi, co sicao ná vida jian para que icha chojni rrochonda na respeto ngain jehe, co tsjanoha de ixin cosé Dios co sehe jian ngain joarrixaoen. Co chonda que sehe jian cainxin nchanho para sayé chojni que tsji ngain nchian-doha. Co chonda que rrochonxin queĉén nchao tsjagoe icha chojni.

<sup>3</sup> Seha dicoan, co űonhi chijni tsjé ngain iná chojni, co sinaoha tomi que sachaxin de cosa jianha. Seha jamé, sino que jehe chonda que sinchehe cain cosa jian co tsetocaoha chojni co tantoĉa sinao tomi.

<sup>4</sup> Chonda que tsonohe tsetonha jian ngain nchian-doha para que xenhe sitticaon xan co rrochonda xan respeto,

<sup>5</sup> ixin si ná chojni, ni ngain nchiandoha noeha ttetonha, ¿quexén nchao tsetonha ngain ningoe Dios?

<sup>6</sup> Mexinxin tti tsetonha ngain ningoe Dios jeha ná tti nandá vitticaon ngain Jesucristo, ixin puede jehe rrořaxaon ixin anto nohe co jamé jianha sinchehe mexinxin sayé castigoe Dios inchin conhe Satanás.

<sup>7</sup> Cai chojni que řa ditticaonha ngain Jesucristo chonda que rrochonda respeto ngain tti tsetonha ngain ningoe Dios. Jańá chojni řhoha rronichja jianha de ixin jehe co Satanás řonhi rrocayacoen jehe.

*Quexén sinchehe tti chojni diáconos*

<sup>8</sup> Jańá cai diáconos, tti chojni que ttjenguijna jehe que ttetonha ngain ningoe Dios, chojni diaconos mé chonda que sintte na jian chojni cai. Co icha chojni chonda que rrochonda na respeto ngain chojni mé. Co chojni diáconos řhoha rronichja tti ndoaha, ni rrocoanha na, ni řhoha anto sinao na tomi que sachaxin de cosa jianha.

<sup>9</sup> Chonda na que sintte na ngain tti ndoa que joixin de ngain Dios tti ján na dotticaon na, co sincheha na cosa jianha que sinchenihi ansén na.

<sup>10</sup> Co jaha chonda que tsonoha saho si cain tattita mé seguro ditticaon co si seguro nchehe jian, cottimeja jehe na nchao sinchehe na řa de tsjenguijna na jehe tti ttetonha ngain nihngo.

<sup>11</sup> Cai nřhiřhihi řa chonda que rrochonda chojni respeto ngain nřha, co rronichjaha nřha cosa que jiquininxinha de iná chojni, co tsjanoha nřha de ixin cosé Dios, co sehe nřha jian ngain cainxin tti nchehe nřha.

<sup>12</sup> Ná chojni diácono čhoha rrochonda yó nčí nacoa tiempo co chonda que tsonohe jian quežén tsetonha ngain xenhe co ngain nchiandoha.

<sup>13</sup> Ixin chojni diácono que nchehe xé jian, jehe na dacha na icha tsje respeto co icha rrožañha na para rronichja na de ixin tti ditticaon na de ixin Jesucristo.

*Tti dotticaon na*

<sup>14</sup> Janha rinaho sasotsjaha toin, pero janha rricjinha cain jiji

<sup>15</sup> para que si janha tsončhjenna, jaha onoha quežén sinchehe chojni Dios, co chojni mé rročo ningoe Dios que jichon. Co chojni mé tti ttixinhi co ttjenguijna tti ndoa.

<sup>16</sup> xonhi chojni rrondačo que tti dotticaon na jieha, ixin janhi ndačo ngain tti jitaxin Palabré Dios:

Dios joí ngataha nontte inchin ná xí;

co Espíritu Santo cjoago ixin jehe jian,

co tsje ángel vicon jehe

co chojni nichja na de ixin jehe ngain cainxin nación.

Co ngoixin mundo jí chojni que vitticaon na ngain jehe

co jehe saccoajín ngajni.

## 4

*Chojni que sačhjenda de ngain tti dotticaon na*

<sup>1</sup> Pero Espíritu Santo ndačo claro are ndačo que icha saho que tsjexin mundo toha chojni sačhjenda na de tti ditticaon na de ixin Dios, co sitticaon na oje espíritu que ncheyehe chojni co



sitticaon na tti sinchecoenhe na ninchehe xé xijianha.

<sup>2</sup> Co jehe na tsinhi na co sitticaon na tti rronichja chojni que ncheha inchin ndačo na co sincheyaxon na, co itsonoeha na feo are sinchehe na cosa jianha ixin tti sinchenihi ansén na, mé inchin ná cosa que ndache ngain xohi.

<sup>3</sup> Chojni jihi rrondačo na ixin jianha para tsottehe na, co cai rrondačo na ixin čhoha sine na canxion cosa que jine ni. Pero Dios joinchekhjian cainxin tti jine ni para ixin tti chojni que ditticaon jehe, nichonxin tti ndoa. Mexinxin nimé nchao sanjo na gracias ngain Dios co sine jihi.

<sup>4</sup> Ixin cainxin tti joinchekhjian Dios, mé jian, co ján na čhoha rrondačo na ixin jehe jianha; sino que ján na sayé na co sanjo na gracias ngain Dios

<sup>5</sup> ixin tti ndačo Dios, co tti gracias que danjo na ngain Dios, mé nchejian cain cosa mé.

*Quexén sinchehe ná tti jian ninchehe xé Jesucristo*

<sup>6</sup> Si jaha sinchecoenhe chojni que ditticaon Dios cain jihi, jaha sarihi ná jian xinchehe xé Jesucristo. Co jaha sarichonxin tti palabra que ján na dotticaon na co tti jian que rrinchecoenhe chojni de ixin Jesucristo.

<sup>7</sup> Pero jaha ncheha caso tti cuento que jecho chojni xaxaon ixin cuento mé xonhi xé. Nchehe jecho tti rinao Dios.

<sup>8</sup> Masqui tti nchetsontaon ni cuerpo ni donda nchin, pero are sinchehe ni inchin rinao Dios, mé tti donda para cainxin ixin mé ttjenguijna ni ngain vidé ni jihi co cai ngain vida que tsí.

<sup>9</sup> Palabra jiji atto ndoa, co cain chojni chonda na que sitticaon na.

<sup>10</sup> De ixin cain jiji, ján na nttoho na xa masqui tangui toan na ixin noa na que Dios jichon co sinchehe jian nganji na co jehe rinao tsjenguijna cainxin chojni para rrochonda na iná vida naroaxin, co icha para chojni que ditticaon jehe.

<sup>11</sup> Cain cosa jiji chonda que tsetonhe chojni co tsjagohe na.

<sup>12</sup> Jaha chjeha oportunidad chojni para que jehe na sinttaha na menos jaha ixin xa tsjeha nano chonda jaha, sino que darihi ná ejemplo para ixin chojni que ditticaon Dios. Mexinxin ttijho cuidado quexen rronichja co quexen sinchehe; sinao cain chojni, jian ditticaon Jesucristo, co nchehe jeho cosa jian inchin Dios rinao.

<sup>13</sup> Ngoixin tiempo hasta que janha saso, jaha nchehe de que tsjehe ngain nihngo tti jitaxin Palabré Dios, co ncheanimá chojni que ditticaon Jesucristo, co nchecoenhe cain chojni tti ndoa.

<sup>14</sup> Jaha tjañaha tti joachaxin que Dios chjá are canxion chojni que chonda joachaxin ngain nihngo coín rá ngataha jaha co nichja joajna que joixin de ngain Dios para ixin jaha.

<sup>15</sup> Ttín cuidado cainxin tiempo ngain cosa tehe para que sicon cainxin chojni quexen jaha tsojian.

<sup>16</sup> Ttjho cuidado de jaho co de tti nchecoenhe chojni, co darihi soji de cain. Si sinchehe jiji, jaha rrochonda iná vida naroaxin co cai jaha tsjenguijna tti chojni que ditticaon tti jaha ndačo para que rrochonda na iná vida naroaxin.

## 5

*Quexén sinchehe ni ngain icha chojni que ditti-caon Jesucristo*

<sup>1</sup> Nchesatteha ná dačhichjan, sino que jion dačhjeyecoxin de ngayehe chojni para ndache dačhichjan mé inchin rrocji ndodá, co nchehe jian ngain xanxí inchin rrocji xanchó.

<sup>2</sup> Nchehe jian ngain načhichjan inchin rrocji janná, co xannčí nchehe jian ngain xan inchin rrocji xanchó, co ni ná cosa jianha xaxaonha de ixin jehe xan.

<sup>3</sup> Ttjengujna nčhiganha si jehe nča chondaha nča nindoha nča.

<sup>4</sup> Pero si ná nčhiganha chonda nča xenhe nča o xanntí nča, jehe xan mé xan chonda que tsjengujna nča. Co jamé jiquininxin xan para que tsjenga xan hna tti jica xan ngain nindoha xan ixin are nchinnchin xan anto joinao nindoha xan. Co jihi tti anto ncheřoxinhi Dios.

<sup>5</sup> Tti nčí que ndoa chondaha nindoha co vittohe jeoxinxon, jehe nča chonhe nča quehe sinchehe Dios co ttinttoeha nča de nchecoanxinhi nča Dios nchanho co ttie.

<sup>6</sup> Pero nčhiganha que icha ncheřoxinhi cain cosa que jí ngataha nontte, nčí mé ondavenhe espiritue nča masqui xa jichon nča.

<sup>7</sup> Ttetonhe na cai cain cosa jihi para que ni ná chojni rrochondaha na de quehe tsosattexin na.

<sup>8</sup> Co si čhoan chojni sincheha caso chojní jehe co icha ngain nindoha, xajeho inchin chojni mé ndačo ixin jehe iditticaonha Jesucristo, co chojni mé icha nchaoha nchehe que tti chojni que xonhi tiempo ditticaon Jesucristo.

<sup>9</sup> Are tsentaxin ra nombré nčhiganha que tsjen-guijna ra, pero jehon nčhiganha que chonda icha de sesenta nano, co jehon nčhiganha que vecaoha yó xí nacoa tiempo.

<sup>10</sup> Co chonda que rrochonxin chojni tti jian que jehe nča joinchehe nča. Inchin si joichonda nča chjan co jian joinchegangui nča xan, o si joinchehe nča jian ngain cain chojni que ttjindoha nča, o si joinchehe nča ndacoa ngain xé chojni que ditticaon Jesús co ndačho nča ixin jehe nča nčí anto jian, o si cjoenguijna nča chojni que anto tangui conhe, o quexeho iná cosa jian que joinchehe nča.

<sup>11</sup> Co ttentaxinha ra nombré nčhiganha que xa tsjeha nano chonda ixin puede rrořaxaon nča de ixin jehon nča co secoa nča xí iná.

<sup>12</sup> Co jańá isincheha nča xa que jehe nča ndačo nča que seguro sinchehe nča para ixin Cristo.

<sup>13</sup> Co cai puede jehe nča čhji nča nchia co nchia co ndanchetján nča tiempoe nča, co jeoha tiempoe nča nchetján nča, cai ncheřoxinhi nča nichja nča cosa que jiquininxinha de iná chojni.

<sup>14</sup> Mexinxin janha rinaho que nčhiganha que xa chondaha tsje nano secoa nča xixihi nča co rrochonda nča chjan co sicao nča cuidado ngain nchiandoha nča, co sanjoha nča oportunidad ngain tti ningaconhe nča para que rronichjaha na feo de ixin jehe nča.

<sup>15</sup> Ixin canxion nčhiganha ovačhjenda nča de Cristo, co nchehe nča inchin rinao Satanás.

<sup>16</sup> Si ná de chojni que ditticaon Jesús, čhonja

familié vittoeganha, jehe chonda que tsjenguijna co tsančjandaha jehó nihngo sinchexinhi tomi para ixin jehe ncha. Jañá cai nihngo nchao tsjenguijna nčhiganha que ndoa rrongondehe.

<sup>17</sup> Cain xí que ttetonha jian ngain nihngo jiquinixin icha tsje respeto, co jihi icha ndoa de ixin nimé que nichja cain tiempo ngayehe chojni co nchecoehne na na.

<sup>18</sup> Ixin ndačo ngain tti jitaxin Palabré Dios: “Ttengueha ra coxintá nchísen are jitonndai va trigo.” Co cai ndačo: “Tti xinchehe xa chonda que rroxenguehe xa hna tomí xa.”

<sup>19</sup> Jaha ncheha caso tti icha chojni tsjanguihi na ná xí que ttetonha ngain nihngo si seha yó o ní chojni que vicon tti joinchehe xí mé.

<sup>20</sup> Pero tti chojni que sinchehe cosa jianha, jaha chonda que rrochjehe na consejo ngattoxon con cainxin chojni, para que icha na tsosoé na co isincheha na cosa jianha.

<sup>21</sup> Ngattoxon con Dios co Jesucristo, tti chonda cain joachaxin, co ngattoxon con cain ángel que jehe coinchiehe, janha rritetonha que jaha nchehe cain jihi jian, co nchehe xajeho para cainxin chojni masqui amigoa o chojni que ningaonha.

<sup>22</sup> Saho tsjehe jian para saqué ná chojni que tsetonha ngaxinhi nihngo ixin si sanjo joachaxin ngain ná chojni que jinchehe jianha, icha chojni rrořaxaon que cai jaha nttaxoxinha cosa jianha. Ttjiho cuidado para que tti jianha seha nganji.

<sup>23</sup> Co diha jehó jinda, sino que dihi nchion vino cai ixin nchion tsje nchanho jaha ttín tsé.

<sup>24</sup> Tti jianha que nchehe canxion chojni nchao dicon ni icha saho que Dios sinchejuzguehe na, pero tti jianha que nchehe icanxin na diconha ni hasta nchanho mé.

<sup>25</sup> Cai dicon ni tti jian que nchehe chojni, co masqui diconha ni daca cain tti jian que jehe na nchehe na, pero čhoha sema cainxin para cainxin tiempo.

## 6

<sup>1</sup> Tti chojni que nchehe řa chonda que rrochonda tsje respeto ngain xinajní, para que řonhi chojni rronichja feo de ixin nombré Dios co ni de ixin tti ján na tjagoe na chojni.

<sup>2</sup> Si xinchehe řa chonda řa xinajni que ditticaon Jesús, xinchehe řa mé čhoha rrochonda řa icha tsjeha respeto jeho ixin cayoixin na ditticaon na ngain Jesucristo. Pero xinchehe řa mé chonda řa que sinchehe řa icha řa ixin tti sayé řa mé ditticaon Jesús co jehe řa rinao řa inchin ná xanchó řa. Jaha, Timoteo, ndache na co nchecoenhe na de ixin jiji.

*¿Quexehe tti icha nchao; sinao ni Dios o sinao ni tomi?*

<sup>3</sup> Si čhonja chojni tsjagoe icha chojni tti jeha ndoa, co cosa mé jeha de acuerdo ngain tti jin-dačho tti jian que cjoagoa na Jesucristo, tti chonda cain joachaxin para ixin ján na, ni jeha de acuerdo ngain tti dotticaon na,

<sup>4</sup> chojni mé anto orgulloso, pero řonhi nohe. Jehe joxon rinao chojni tsetocaho na ngain chijni, mexinxin chojni tsonchjoehe, rroningaconhe chó na, rrondache chó na feo, co řaxaon chó na jianha,

<sup>5</sup> co chojni que chonda joarrixaon jianha xonhi tiempo ttjexin toñaohé chó co chonxinha na tti ndoa. Jehe na chojni mé xaxaon na que tti jehe na nchecoenhe na chojni de ixin Dios, mé para sachaxin na anto tsje tomi. Jaha daçhenda de ngain chojni que nchehe jañá.

<sup>6</sup> Ján ndoa que tti ján na nttocoenhe na chojni de ixin Dios anto rentte, pero jehó si ján na te na contento conixin tti ján na ochonda na.

<sup>7</sup> Ján na joihi na ngataha nontte pero xonhi joicoho na, ni are satsji na xonhi tsjinho na;

<sup>8</sup> pero si chonda na tti jontte na co chonda na lonttoa na, conixin jehó yá otsje para que ján na sontte na contento.

<sup>9</sup> Pero tti chojni que rinao rrochonda anto tsje tomi, ttixinha na ngain prueba ixin toin sinchehe na cosa jianha para rrochondaxin na icha tomi, co toin dinttji na ngain trampé joarrixaon que xonhi xé, co mé tti ndanchenihnga na co ndanchetján na.

<sup>10</sup> Ixin tti anto rinao ni tomi, mé tti ttexinxin cainxin cosa jianha; co te canxion chojni ixin anto joinao na tomi mexinxin ndatjañehe na tti jehe na vitticaon na, co anto tangui conhe na ngain vidé na.

*Pablo ndache Timoteo quexén sinchehe para rrotjañeha Dios*

<sup>11</sup> Pero jaha xí que ditticaon Dios, mexinxin satinguehe cain jihí. Co nchehe inchin Dios rinao, co rinao jehó Dios, chonda confianza ngain Dios, rinao cain chojni, chonda paciencia conixin jehe na, co dariha orgulloso.

<sup>12</sup> Jaha ncheluchá jian para tti jaha ditticaon, tsjehe jian para que jaha rrochonda iná vida

naroaxin para cainxin tiempo. Ixin Dios vayaha jaha para cain jiji co jaha ondačo claro ngattoxon con tsje chojni ixin jaha jian ditticaon Dios ngattoxon con tsje chojni.

<sup>13</sup> Co jai ngattoxon con Dios, tti chjé vida cainxin cosa que jí, co ngattoxon con Jesucristo, tti cai ndačo jian are ndačo cain tti ndoa ngattoxon con Poncio Pilato; ngattoxon con cayoi na janha rritetonha

<sup>14</sup> que ditticaon tti vitonha, co ttentoxinha, para que rrochondaha de quehe tsosattaxin, jaha nchehe mé hasta are tsí Jesucristo, tti chonda cain joachaxin para ixin ján na.

<sup>15</sup> Co jehe tsí ngain tiempo que ondačo. Dios sinchehe jian cain jiji ixin jehe tti nacoaxinxon Dios co ngain jehe jí cainxin tti jian, jehe Rey de cainxin tti rey, co jehe tti Ttetonha de cainxin tti ttetonha.

<sup>16</sup> Co jeha jehe Dios tti xonhi tiempo senhe, co jehe jí ngain joadingasán tti xonhi chojni nchao tonchienhe. Ni ná chojni viconha jehe, co ni čoha sicon na. ¡Jehe tti jiquininxin tsosayehe co jiquininxin cainxin joachaxin para cainxin tiempo! Amén.

<sup>17</sup> Ttetonhe tti chojni que chonda tsje tomi ngataha nontte jiji que sintteha na orgulloso, ni rrořaxaonha na que ixin tomí na tti icha tsjenguijna na, ixin mé xonhi xé. Icha jian rrořaxaon na ngain Dios que jichon, co tti chjá na cainxin cosa para que ján na nttogonda na.

<sup>18</sup> Jaha ttetonhe na que sinchehe na tti jian para que rrochonda na tsje pero de ixin tti jian que jehe na sinchehe na, co ixin sintte na listo para



tsonchjeyehe na icha chojni tti jehe na ochonda na.

<sup>19</sup> Co jañá sintte na rico ngain Dios, co jamé jehe na nchao rrochonda na seguro ixin jehe na rrochonda na iná vida naroaxin que xonhi tiempo tsjexin.

*Nttihi joexin tti coetonha Pablo ngain Timoteo*

<sup>20</sup> Jaha Timoteo, tjañaha de nchehe cain tti coetonha Dios. Jaha ncheha caso tti chijni que tjao chojni, ixin chijni mé xonhi xé. Co ncheha caso tti nichja chojni que ndačo na ixin anto nohe na pero ndoaha,

<sup>21</sup> ixin chojni que xaxaon jehe tti anto nohe, nimé ndatjañehe na tti jehe na vitticaon na.

Que Dios sinchenaon nganji. Amén.

## **Tti jian joajné Jesucristo New Testament in Popoloca, San Marcos Tlalcoyalco**

copyright © 1982 Wycliffe Bible Translators, Inc.

Language: San Marcos Tlalcoyalco Popoloca (Popoloca, San Marcos Tlalcoyalco)

Translation by: Wycliffe Bible Translators, Inc.

Popoloca, Tlalcoyalco [pls], Mexico

### **Copyright Information**

© 1982, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Popoloca, San Marcos Tlalcoyalco

**© 1982, Wycliffe Bible Translators, Inc.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-16

---

PDF generated using Haiola and XeLaTeX on 18 Apr 2025 from source files  
dated 29 Jan 2022

a23ba35e-b016-5f67-a705-694e460cf18a